¿Maypachamantan Guayasamin kallpayki oqarikun? Qaqchaq urpi, yawar qapariq ¿maypachamantapunin ukupacha kanchariq ñawiki cielo kañaq makiyki? Uyuriway, rauraq wayqey. Ñakay pacha mitata runa kiriq punchauta, waqachiq tuta runa, runa mikuq uyanta, wiña wiñaypaq churanki mana pipa kuyuchiy atinanta imaykamaraq chanqanki!

Runa waqachun wayrapa kallpanta mikuchun, qan rayku. Wayasamin sutiyki intipa qepa ñeqen churinkunapa qaparisqanmi Quito muyuq apu wamanikunapa katatatasqan waqasqan, riti mirasqan, cielomantapas astawan sinchi sombran. Manan chayllachu: Estados Unidos, China, Tawantinsuyu tukuy llaqtapi runakuna ñakasqanta, imaymana mañakusqanmanta qan, rauraq wayqey, qaparinki, Apurimaq mayu astawan hatun astawan mana tanichiq simiwan. iAllinmi, wayqey! iEstabín, Oswaldo!

